

Turu'anga i te Turanga 'Āpi'i o te Moana-nui-o-Kiva i te tuātau COVID-19

PACIFIC EDUCATION SUPPORT FUND – ROUND 2

Te 'inangaro nei te Māraurau o te Pae 'Āpi'i, i te au pati'anga no te moni-tauturu, no ko mai ia Tāmaki Makaurau, Waikato, Te Matau-a-Māui-Tairāwhiti, Te Whanganui-a-Tara, e, Waitaha e te Wharekauri, i te turu i te au kōpū tangata o te Moana-nui-o-Kiva, kia arumaki ua atu rāi i te pu'apinga i roto i te turanga 'āpi'i, e te tamaki atu i te au manatā tei 'akatkupu'ia e te COVID-19.

Pacific Education Support Fund

Te 'ōronga'ia nei te Pacific Education Support Fund ki te aronga, e 'anga'anga ana ki roto i te au 'oire tangata, te au pupu, e te au putuputu'anga, i te 'ākara'anga i te au mea e anoano'ia nei i roto i te turanga 'āpi'i, e te rāvenga kia meitaki te ora'anga o te au taura o te Moana-nui-o-Kiva, e to ratou au kōpū tangata, tei 'akatu'ia e/me kore ra, tuki'ia'anga, e te maki COVID-19. Kua 'akapae'ia te moni-tauturu, ki te au vaka e rima, no te au 'ākakoro'anga turu i te au taura o te Moana-nui-o-Kiva, mei te 'āpi'i punanga, e tae rava atu ki te 'āpi'i tuatoru.

Ea'a te au tu 'akakoro'anga ka rauka i te moni-tauturu?

Ko te au mea e anoano'ia ana no te turanga 'āpi'i, te au anoano, e te au turu, ka 'inangaro'ia, i te 'akapāpū, kia no'o te au taura o te Moana-nui-o-Kiva, ki roto i te au 'āpi'i'anga pu'apinga. Tei roto i teia te turu'anga, kia meitaki te ora'anga, e te 'akatu'ia'anga i te au piri'anga pu'apinga. Teia tetai au 'ākara'anga:

- » 'Akatu'ia'anga i te au piri'anga i rotopu i te au kōpū tangata o te Moana-nui-o-Kiva, e te au ngā'i tāmou'anga 'āpi'i, na roto i te 'akapiri'anga, e te turu'anga i te au kōpū tangata, e te au taura kia piri atu.
- » 'Akato'anga i te au taura o te Moana-nui-o-Kiva, e to ratou au kōpū tangata, ki roto i te au turanga tano i te turu i te au mea e anoano'ia ra no te 'āpi'i, teia te 'ākara'anga, te tāmou'anga 'āpi'i i roto i te 'āpi'i, e te tomo'anga atu ki roto i te au turanga 'āpi'i, e te au ara no te terēni'anga i va'o ake i te 'āua 'āpi'i.

- » Turu'anga i te au taura, i te 'oki'anga atu ki roto i te 'āpi'i tuatoru, 'āpi'i, me kore ra, 'āpi'i punanga, e te kimi'anga i te turanga 'āpi'i tano, e te au ara terēni'anga.
- » Turu'anga i te aere ki te 'āpi'i, e te tomo'anga ki roto i te au taura o te Moana-nui-o-Kiva.

'Ā'ea e tu'era ei no te au pati'anga?

Ka tu'era te au pati'anga no te Pacific Education Support Fund i te ra 10 o Māti, ki te ra 19 o 'Āperira, i te mata'iti 2021.

Ko'ai te ka 'akatika'ia kia pati?

- » E pupu/putuputu'anga 'oire koe, pupu 'ākono'anga pure, me kore ra, social sector provider tei roto i teia au vaka 'āpi'i: Tāmaki Makaurau, Waikato, Te Matau-a-Māui-Tairāwhiti, Te Whanganui-a-Tara, Waitaha e te Wharekauri.

